

տեղերը: Գիտուն մը A. Barrois անցեալ տարի հոն այցելած ու քննած է պեղումներու արդիւնքը, մասնաւորապէս Եւթիմիոսի և իր վանականաց մեռելամատուռը և նկարագրութիւնը հրատարակած է (*St'us Revue Biblique*, 1^{er} Avril 1930, N^o. 2). Նոյնին թարգմանութիւնը կու տանք ստորև:

3. Եւթիմիոսի վանքին նորագիւտ մեռելամատուռը.

«Երկու տարիէ ի վեր Պ. Շիթթի Խան էլ-Ահմարի Եւթիմիոսի վանքին աւերակները երևան հանելու ձեռնարկած է. նոյն վանքը, ինչպէս յայտնի է, կը գտնուի Հրէաստանի անապատին մէջ, Երուսաղէմի և Նէպի Մուսայի միջև, կէս ճանապարհին: Այժմ հոն ինքնաշարժով կարելի է երթալ առանց մեծ դժուարութեան, քունելով հին ճանապարհը Նէպի Մուսայի որ կը բաժնուի Երիթրովի մեծ պողոտայէն 13 քիլոմէթրէն քիչ յետոյ: Պ. Շիթթի՝ աւերակաց հարաւը գտնուող երեք նաւով եկեղեցիին իր գեղազարդ մողայիք յատակներով և յարակից ստորերկրեայ սեղանոյն երեւան հանելէ յետոյ սկսած է զբաղիլ աւերակներուն գլխաւոր մասովն, որ կը տարածուի հարաւի մեծ եկեղեցիէն մինչեւ այն հոյակապ պարիսպը որ հիւսիսէն կը փակէ վանքը և կու տայ անոր բերդի մը տեսքը: Գրեթէ աւերակաց դաշտին կեդրոնը գըտած է ստորերկրեայ փոքրիկ մատուռ մը խոշոր որմաքարերով շինուած և ծածկուած է կամարով մը՝ որ ստուգապէս վանքին գլխաւորներուն իբր մեռելամատուռի դեր կատարած է: Պեղումներուն տեսչին հաճելի հրաւիրանաց վրայ երկու օր հոն մնալով առիթ ունեցայ գծելու երևան հանուած տեղերուն յատակագիծը: Մատուռը 4մ. 75 (արեւելք-արեւմուտք) × 5մ. 90 (հիւսիս-հարաւ) եռանկիւնի մը ձևը ունի: Մատուռը կ'երթուի 12 աստիճան սանդուխով մը որ մատրան հիւսիսային պատին կցուած է: Սանդուխին քառակուսի նախամուտքէն մինչև սանդուխին ըստորոտը դուռ մը կը բացուի մատրան հիւսիս-արեւելեան անկիւնը: Հիւսիս-արեւմտեան անկեան մօտ, հիւսիսային պատը ունի ուղղանկիւն բացուածք մը որ կը նայի սանդուխին և լեցուած է որմաքարերու կտորուանքներով: Մատուռը իր լոյսը կ'առնուէ քարձր լուսամուտէ մը՝ հարուսային պատին մէջ տեղէն ծակուած